

Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu
politiku, raseljena lica i izbjeglice



Босна и Херцеговина
Федерација Босне и Херцеговине
КАНТОН САРАЈЕВО
Министарство за рад, социјалну
политику, расељена лица и изbjеглице

Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy, Displaced
Persons and Refugees

Broj: 13-04/2-04-3006-27/21
Sarajevo, 29.04.2021. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

- SKUPŠTINA KANTONA SARAJEVO
Služba za skupštinske poslove
- OVDJE -

- VLADA KANTONA SARAJEVO
Stručna služba Vlade
- OVDJE -

Predmet: Odgovor na zastupničku inicijativu, dostavlja se

Samir Suljević, u skladu sa članom 106. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15, 48/16, 9/20 i 14/20), dana 22.03.2021. godine, uputio je zastupničku inicijativu:

- Da za svakog građanina, koji je mjestom stanovanja bio prijavljen u Kantonu Sarajevo, a premine od COVID-19, troškove dženaze/sahrane, u cijelosti ili dijelom snosi Kanton Sarajevo.
- Da se zaduže Ministarstvo komunalne privrede i infrastrukture KS, Ministarstvo privrede KS i Ministarstvo za socijalna pitanja KS, svako u svojoj nadležnosti, da u komunikaciji sa KJKP „Pokop“ i drugim pokopnim firmama i društvima, općinama u KS i vjerskim zajednicama koje učestvuju u vjerskom dijelu dženaze/sahrane, iznađu najbolja rješenja i u što hitnijem roku, uz mišljenje Ministarstva finansija KS, daju prijedlog po tački 1. ove Zastupničke inicijative Skupštini Kantona Sarajevo



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



Na navedenu inicijativu, dajemo sljedeći odgovor:

Uredbom o plaćanju troškova dženaze/sahrane/ukopa za socijalne kategorije ("Službene novine Kantona Sarajevo", broj: 31/17) (u daljem tekstu: Uredba) uređuje se plaćanje troškova dženaze/sahrane/ukopa za socijalne kategorije (u daljem tekstu: plaćanje troškova) iz Budžeta Kantona Sarajevo sa pozicije Ministarstva za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo), podnosioci zahtjeva, uslovi za plaćanje troškova, postupak, sredstva za finansiranje, nadležni organi, kao i druga pitanja od značaja za plaćanje troškova.

Članom 3. Uredbe propisano je da se troškovi plaćanja dženaze/sahrane/ukopa ostvaruje pod uslovom:

- da je preminulo lice ili član porodice preminulog lica evidentiran kao korisnik prava na stalnu novčanu pomoć po Zakonu o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09 i 45/16) (u daljem tekstu: Federalni zakon) i Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst i 38/16) (u daljem tekstu: Kantonalni zakon),
- da je preminulo lice evidentiran kao korisnik socijalne zaštite iz člana 12. Federalnog zakona i člana 14. Kantonalnog zakona, koji je smješten u ustanovu socijalne zaštite putem Javne ustanove "Kantonalni centar za socijalni rad" (u daljem tekstu: Centar) i za kojeg Centar u cijelosti snosi troškove smještaja.

U Budžetu Kantona Sarajevo ("Službene novine Kantona Sarajevo", broj: 5/21) na poziciji Ministarstva za rad, socijalnu politiku, raseljena lica i izbjeglice Kantona Sarajevo pod Ekonomskim kodom 614200, subanalitika NAM001, funkcija 107F predviđen je tekući transfer "Socijalna zaštita".

Odlukom o usvajanju Programa utroška sredstava tekućih i kapitalnih transfera i nabavke građevina utvrđenih Budžetom Kantona Sarajevo Ministarstva za rad, socijalnu politiku, raseljena lica i izbjeglice Kantona Sarajevo za 2021. godinu ("Službene novine Kantona Sarajevo", broj: 13/21) propisano je da se unutar Ekonomskog koda 614200, funkcija 107F, subanalitika NAM001 - "Socijalna zaštita" sredstva raspoređuju prema namjeni i korisnicima, te između ostalih za poziciju "Sredstva za pomoć građanima" interni broj NAM007Z, čija je svrha izmirenje obaveza za: dženaze/sahrane/ukope, prihvatilište za prosjake i skitnice, pomoć građanima, čiji su korisnici ostvarili pravo na: plaćanje troškova dženaze/sahrane/ukopa, prihvatilište za prosjake i skitnice, pomoć građanima. Navedena sredstva planirana su u iznosu od 450.000,00 KM, te se za druge svrhe ne mogu koristiti.

Članom 49. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 45/12, 26/14, 46/17, 18/19, 20/20, 24/20, 24/20 – Ispravke i 10/21) propisano je da članovi porodice odnosno lice koje je snosilo troškove sahrane - dženaze lica iz čl. 1. i 2. ovog Zakona, ima pravo na naknadu u visini od tri prosječne neto plaće



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



zaposlenih u Federaciji BiH iz prethodne godine, te u opravdanim slučajevima i stvarne troškove prijevoza u druga područja Bosne i Hercegovine. Izuzetno, pravo iz stava 1. ovog člana, mogu ostvariti i lica koja snose troškove dženaze-sahrane za djecu šehida, poginulih, umrlih i nestalih branilaca, bez obzira da li ostvaruju pravo na porodičnu invalidninu u skladu sa federalnim zakonom. Postupak za priznavanje prava iz stava 1. ovog člana se može pokrenuti najdalje u roku od jedne godine od dana smrti lica.

Pod licem iz člana 1. ovog zakona smatraju se ratni vojni invalidi i članovi njihovih porodica, članovi porodica šehida, članovi porodica poginulih umrlih i nestalih branioca, dobitnici ratnih priznanja i odlikovanja i članovi porodica poginulih, umrlih i nestalih dobitnika ratnog priznanja i odlikovanja, ratnih vojnih zarobljenika i demobilizirani branioci kao lica zaslužna u odbrambeno-oslobodilačkom ratu sa područja Kantona Sarajevo, a u skladu sa raspoloživim budžetskim sredstvima.



Članom 147. Zakona o penzijskom i invalidskom osiguranju ("Službene novine Federacije BiH", broj: 13/18) propisano je da u slučaju smrti korisnika penzije sa prebivalištem u Federaciji ili Distriktu Brčko Bosne i Hercegovine, nasljedniku-članu uže porodice, koje izmiri troškove sahrane pripada naknada pogrebnih troškova u visini prosječne penzije isplaćene u mjesecu prije smrti korisnika penzije, a zahtjev za naknadu troškova sahrane podnosi se u roku od tri mjeseca od dana smrti korisnika penzije.

Obzirom na navedeno, smatramo da naprijed citiranim zakonskim i podzakonskim aktima veliki broj građana Kantona Sarajevo već ostvaruje pravo na plaćanje troškova dženaze/sahrane/ukopa, odnosno naknadu troškova dženaze/sahrane/ukopa.

Također, članom 12. stav (5) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo" 18/20, 46/20, 12/21") propisano je da se odgađa donošenje propisa i akata iz nadležnosti Kantona koji proizvode dodatne fiskalne efekte na Budžet Kantona Sarajevo.

S poštovanjem,

Pripremila: Aldina Šantić, viši stručni saradnik



Dostaviti:
Naslovu
2. a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



Quality management system
ISO 9001
• Customer focus
• Customer satisfaction
• Continuous improvement
• System/process effectiveness
ID 15 100 63666
www.tuv-rheinland.com